

## 20 წელი სოხუმის დაცემიდან

1993 წლის 27 სექტემბერს, 13 თვისა და 13-დღის შემდეგ, ტერიტორიული მთლიანობისთვის საქართველოს ბრძოლა სოხუმის დაცემით დასრულდა. ომმა აფხაზეთში 15 ათასამდე ქართველი იმსხვერპლა, 300 ათასი ადამიანი კი დევნილად აქცია.

სოხუმის დაცემის დღეს რუსმა ოკუპანტებმა და აფხაზეთის აპარტიდული რეჟიმის წარმომადგენლებმა აფხაზეთის უზენაესი საბჭოს თავმჯდომარე ყოფილი შარტავა 30-მდე ქართველთან ერთად დახვრიტეს.

ბაზრქალაბა  
80-2 გვარდუა



## ზურაბ აბაშიძის კვიპროსი გაახსენა

პარლამენტის ტერიტორიული მთლიანობის საკითხთა დროებითი კომისიის, საგარეო ურთიერთობათა და დიასპორისა და კავკასიის საკითხთა კომიტეტის ერთობლივ სხდომაზე გუშინ დეპუტატების კითხვებს პრემიერ-მინისტრის სპეციალური წარმომადგენელი რუსეთთან ურთიერთობის საკითხებში ზურაბ აბაშიძე პასუხობდა.

აბაშიძემ თავდაპირველად რუსეთის ხელისუფლებასთან დაწყებული მოლაპარაკებების ორმხრივი ფორმატის შედეგებზე ისაუბრა. მისი ინფორმაციით, მიმდინარე წლის ბოლომდე საქართველოში რუსი

ტურისტების რაოდენობის მილიონამდე გაზრდა მოსალოდნელი. როგორც აბაშიძე აღნიშნავს, პრინციპში, ამისთვის ხელისუფლებას განსაკუთრებული არაფერი გაუკეთებია.

აბაშიძე რუსეთთან არსებულ სავიზო რეჟიმსაც შეეხო და აღნიშნა, რომ რუსეთი სავიზო რეჟიმის გაუქმებას არა, მაგრამ გამარტივებას გეგმავს. „ნათესაური, პროფესიული კავშირებისა და ბიზნესურთიერთობებისთვის ვიზების გაცემა გაადვილდება. ცვლილებას დადებითად უყურებენ რუსეთში მცხოვრები ჩვენი თანამემამულეები, რომლებიც

ბიზნესის საქართველოში ნამოღებაზე ფიქრობენ,“ - ამბობს ზურაბ აბაშიძე.

რუსეთთან რეგულარული ავიარების აღდგენის კუთხით კი, როგორც აბაშიძე ამბობს, პრობლემები შეიქმნა. მისი ინფორმაციით, ქართულ ავიაკომპანიებს რუსეთის სანავიგაციო სამსახურების მიმართ 700-800 ათასი აშშ დოლარის ოდენობით დავალიანება აქვთ. „ის ავიაკომპანიები, რომლებმაც ეს ფული უნდა გადაიხადონ, დღეს აღარ არსებობენ,“ - შენიშნავს ზურაბ აბაშიძე.

ბაზრქალაბა  
80-3 გვარდუა

## ჯარ - „Выездные визы“, ხედავ - ინტერნეტის აკრძალვა?!

დათო გაბისონია

გუშინ სოციალურ ქსელებში კრიტიკის საგანი გახდა საპარლამენტო უმრავლესობის წევრების, ვიცე-სპიკერ ზურაბ აბაშიძისა და საპროცედურო საკითხთა კომიტეტის თავმჯდომარის ირინა იმერლიშვილის საკანონმდებლო ინიციატივა. კანონპროექტი „საქართველოს მოქალაქეების საქართველოდან გასვლისა და საქართველოში შემოსვლის წესების შესახებ“ კანონში ცვლილებების შეტანას ითვალისწინებს, რომელ-

თა თანახმად, საქართველოდან დროებითი გასვლის უფლების შეზღუდვის საფუძვლებზე ჩამონათვალა იზრდება.

მოქმედ კანონში ნათქვამია, რომ საქართველოს მოქალაქეს შეიძლება, უარი ეთქვას საქართველოდან დროებითი გასასვლელად საქართველოს მოქალაქის პასპორტის გაცემაზე ან პასპორტის მოქმედების ვადის გაგრძელებაზე, აგრეთვე საზღვრის გადაკვეთაზე: ა) თუ იძებნება სამართალდამცავი ორგანოების მიერ; ბ) თუ წარმომადგენს ყალბ ან

ძალის არმქონე საბუთებს („გ“ ამოღებულია).

კანონპროექტი „დ“ ქვეპუნქტის დამატებას ითვალისწინებს, რომლის თანახმად, ქვეყნიდან გასვლის შეზღუდვის მიზეზი შესაძლოა, სახელმწიფო ან/და საზოგადოებრივი უსაფრთხოების დაცვის ინტერესები გახდეს.

ირინა იმერლიშვილის მტკიცებით, კანონპროექტი საქართველოს მოქალაქეების ქვეყნიდან გასვლის საკითხზე არანაირ შეზღუდვას არ აწესებს.

ბაზრქალაბა  
80-3 გვარდუა

## დასავლეთი ირანის ტონის შეცვლას მიესალმება

ივა შილაკაძე

ნიუ-იორკში, გაეროს შტაბბინაში, ირანის საგარეო საქმეთა მინისტრი მოჰამად ჯავად ზარეფი ირანის ბირთვული პროგრამის საკითხზე „ექვსეული“ (აშშ, დიდი ბრიტანეთი, საფრანგეთი, ჩინეთი, რუსეთი და გერმანია) საგარეო საქმეთა მინისტრებს შეხვდა. შეხვედრაში ასევე მონაწილეობდა ევროკავშირის უმაღლესი წარმომადგენელი საგარეო ურთიერთობებსა და უსაფრთხოების საკითხებში კეტრინ ეშტონი, რომელიც ასევე მუდმივად ჩართულია ამ მოლაპარაკებებში. შედგა აგრეთ-



ვე აშშ-ს სახელმწიფო მდივან ჯონ კერისა და ჯავად ზარეფის ორმხრივი შეხვედრაც. ასეთი დონის ორმხრივი შეხ-

ვედრა 2007 წლის შემდეგ არ გამართულა.

ბაზრქალაბა  
80-4 გვარდუა

1 აშშ დოლარი	1.6643\$
1 ევრო	2.2110\$
1 ინგლისური გირვანკა	2.5933\$
1 თურქული ლირა	0.8622\$
100 რუსული რუბლი	5.0433\$

თბილისი	31°C - 20°C
ქუთაისი	33°C - 20°C
ზუგდიდი	32°C - 21°C
ბათუმი	27°C - 21°C

ნავთობი	3.19	+0.00	+0.16%
გაზი	3.58	+0.11	+3.07%
ოქრო	1,743.20	-9.80	-0.56%
ხორბალი	868.50	+12.25	+1.41%

## „რედიგო“ ადასტურებს, რომ დავალი შეიძინა



ინგლისის საფეხბურთო მოედნებზე ზურაბ ხიზანიშვილის შემდეგ ქართველთაგან არავის უთამაშია. დღეიდან კი ამ მხრივ ვითარება უნდა შეიცვალოს, რადგან საქართველოს 19-წლამდელთა

ნაკრების ყოფილი წევრი, ამიერიდან კი რიგის „სკონტოს“ მოთამაშე ლაშა დვალი, ჩემპიონშიპის კლუბ „რედიგოში“ ოფიციალურად ჩაირიცხა.

ბაზრქალაბა  
80-7 გვარდუა

## ფოტოსახეხი ლეიდანის ისტორიიდან

ფესტივალი „იზერია“ ერვინ ოლაფის ფოტოგამოფენას უმასპინძლებს

ივა შილაკაძე

თავდაპირველად ამ ნამუშევრებს როგორც ჰოლანდიური მხატვრობის ნიმუშებს, ისე აღიქვამ. რამდენიმე წამიანი დაკვირვების შემდეგ კი ხვდები, რომ საქმე ფოტოგრაფიასთან გაქვს, მათზე აღბეჭდილი ადამიანების სახის თანამედროვე ნაკეთები კი ყველა ეჭვს გიფანტავს და რწმუნდები, რომ დროში მოგზაურობიდან დაწყებული ნებისმიერი ვერსიის მისაღებად მზად ხარ. სწორედ ასეთ ირეალურ განწყობას ტოვებს ფოტოხელოვან ერვინ ოლაფის ერთ-ერთი უკანასკნელი ფოტოპროექტი, რომელსაც უახლოეს მომავალში ჩვენს საგამოფენო სივრცეში ვიხილავთ.



ბაზრქალაბა  
80-5 გვარდუა

„24 საათის“ ელექტრონული ვერსია იხილეთ Web-გვერდზე **www.24saati.ge** ჩვენი პარტნიორები:

**თიბისი ბანკი TBC BANK**  
ჩვენ ვაძლევთ ერთმანეთს

**FM 102.4**  
საგარეო ურთიერთობების მინისტროს რადიო

**ბანკი კონსტანტა BANK CONSTANTA**  
ISSN 1987 9121

9177198719121001

# 20 წელი სოხუმის დაცვიდან

პირველი გვარდია

სოხუმის შემდეგ, 29 სექტემბერს - უკვე ორმოცეტი, ხოლო 30 სექტემბერს გალიც დაეცა და შედეგად, აფხაზეთი მთლიანად ოკუპანტების ხელში გადავიდა.

ამ თარიღის გამო გუშინ გმირთა მემორიალთან მთავრობა, პრემიერის ხელმძღვანელობით, სრული შემადგენლობით იმყოფებოდა. მათ გმირთა მემორიალი გვირგვინით შეამკეს.

პრემიერ-მინისტრ ბიძინა ივანიშვილის განცხადებით, ეს დღე ომის ტრაგიკულ შედეგებს, ნგრევას და უსახლკარობას გვახსენებს.

„უდიდესი დანაკლისი განვიცადეთ ამ ომში ქართველებმა და აფხაზებმა. ვერაზინ დაგვიბრუნებს დალუპულებს, იმ დიდ დანაკლისს. პატივი მივაგოთ მათ ხსოვნას. ძალიან მძიმეა დევნილი მასახლეობის ხვედრი. ჩვენ ყველაფერს ვაკეთებთ და გავაკეთებთ, რომ მათ ქვეყანაში ღირსეული ცხოვრება შეეძლოს, ღირსეული ინტეგრაცია მოახდინონ. მანამ გავაგრძელებთ დახმარებას, სანამ არ დაუბრუნდებიან საკუთარ სახლს-კარს,“ - განაცხადა ივანიშვილმა.

მისივე თქმით, მთავრობა უნდა დაეხმაროს ოკუპირებულ ტერიტორიებზე მყოფ ქართულ მოსახლეობას და აფხაზებსაც, რადგან „მათ არანაკლებ მძიმე ხვედრი აქვთ.“ ივანიშვილი დარწმუნებულია, რომ თუ ქართველები და აფხაზები ერთმანეთში ნდობის აღდგენას მოვახერხებთ, ამას რუსეთის ფედერაციაც გაუწევს ანგარიშს.

„სირცხვილია, რომ 21-ე საუკუნეში ჩვენ გვინევს პირობითი და მოგონილი გამყოფი საზღვრის სხვადასხვა მხარეს ცხოვრება. 20 წელი გავიდა და უნდა გავაკეთოთ დასკვნები, მოვახერხოთ ჩვენი მტკიცე ხასიათი, ჩვენი ისტორიის პატივისცემით დავინყოთ ურთიერთობების აღდგენა. სხვა ხელისუფლებებისგან განსხვავებით, აბსოლუტურად გამოირიცხულია, რომ ჩვენ რაიმე ტიპის აგრესიაზე ვიფიქროთ. ჩვენ მხოლოდ ძმობით, მხოლოდ სიყვარულით უნდა შევიძლიოთ და დავინყოთ ურთიერთობების აღდგენა. ახალი ხელისუფლება ყველაფერს ვაკეთებთ, რათა ევროპული

ოჯახის ღირსეული წევრი გავხდეთ. ჩვენ ქვეყნისთვის მოვახერხებთ და ავალორძინებთ საქართველოს და შეიძლება, ამის საფუძველზე დავაბრუნოთ ნდობა ძმებს შორის, ჩვენ ვიქნებით გულწრფელნი ურთიერთობაში. დარწმუნებული ვარ, ამას მხარს დაუჭერს საერთაშორისო თანამეგობრობა. თუ ჩვენ მოვახერხებთ, ერთმანეთის ღრმა პატივისცემით აღვადგინოთ ერთმანეთი ნდობა, დარწმუნებული ვარ, ამას რუსეთის ფედერაციაც ანგარიშს გაუწევს. ყველაფერი დამოკიდებულია ჩვენზე. ჩვენ გულს გავუხსნით ჩვენს ძმებ აფხაზებს. მათ უნდა მოესვლებოდეთ და ისინი ე.წ. საზღვრებს აქვთ უნდა გადმოვიდნენ. ჩვენ პირველებმა დავინწყით. ჩვენ ამის მზაობა გვაქვს. 20 წელი, რომელიც ამ ტრაგედიიდან გავიდა, დიდი დროა და დროა, დავინყოთ ურთიერთობების აღდგენა,“ - განაცხადა ივანიშვილმა.

თავდაცვის მინისტრ ირაკლი ალასანიას განცხადებით, 20-მა წელმა არ გაანელა ის ტკივილი და სიცარიელე, რაც ქართველი ვაჟკაცების დალუპვამ დატოვა. ალასანიას შეფასებით, ტკივილი შესაძლოა, მხოლოდ მომავლის იმედმა შეავსოს.

„განსაკუთრებით მინდა, აფხაზებიდან ეთნიკური წმენდის შედეგად გამოდევნილ ქართველებს და ჩვენს საზოგადოებას მივმართო. ჩვენი რწმენა და ისტორიული გამოცდილება გვეუბნება, რომ აუცილებლად დავდგებით ფეხზე და ჩვენს ტერიტორიულ სხეულს გავამთლიანებთ. ეს გარდაუვალია, მაგრამ ამას დიდი სიმტკიცე სჭირდება, რის მაგალითსაც ამ კედელზე ჩვენი გმირების გვარები კიდევ ერთხელ გვახსენებს,“ - აღნიშნა ირაკლი ალასანიამ.

თავდაცვის მინისტრი იმედოვნებს, რომ უახლოეს მომავალში გმირთა მოედანზე უფრო ღირსეული მემორიალი იქნება.

მისი თქმით, თავდაცვის სამინისტრომ უკვე გამოაცხადა კონკურსი და დარწმუნებულია, რომ საუკეთესო ვარიანტი გაიმარჯვებს.

„ჩემთან ომის ვეტერანების მრავალი ოჯახის წევრი იყო მოსული. მათ მემორიალის განახლება სურთ, რადგან მას ძალიან ბევრი გვარი აკლია. დარწმუნებული ვარ, ჩვენ მიერ გამოცხადებულ კონკურსში საუკეთესო ვარიანტი გაიმარჯვებს და იქნება უფრო ღირსეული ვარიანტი, სადაც ყველას, მათ შორის 2008 წლის ომში დალუპული გმირების სახელებიც იქნება დატანილი,“ - აღნიშნა ირაკლი ალასანიამ.

ამასთან, გუშინ ირაკლი ალასანია აფხაზეთის ომში დალუპული გმირებისთვის პატივის მისაგებად დიღმის ძმათა სასაფლაოზე მივიდა.

„20 წელი გავიდა უკვე, მაგრამ ეს დღე გუშინდელი დღესავით გვახსოვს ყველას, ვინც იქ ვიყავით. ეს იყო დიდი გმირობის მაგალითი. განსაკუთრებით ის ბიჭები, ვინც აქ არიან დასაფლავებულები, არ გაექცნენ ურიცხვ მტერს. ეს იყო შეგნებული, გააზრებული გმირობის მაგალითი. ყველამ იცოდა, რომ იქ დარჩენა პრაქტიკულად ნიშნავდა იმას, რომ ისინი ცოცხლები ვერ გამოვიდოდნენ, ამიტომ ეს ერთ-ერთი მაგალითია ჩვენი მრავალათასწლიანი ისტორიიდან, რომელიც ჩვენს სულიერ სიმბოლოებს ამყარებს.“

რიიდან, რომელიც ჩვენს სულიერ სიმბოლოებს, სიმტკიცებს ამყარებს. მათი გარდაცვალებით გამოწვეული დიდი სიცარიელე ერთადერთი - მომავლის რწმენით შეიძლება შევავსოთ. საქართველო ყოფილა დანაწევრებული, მაგრამ ყოველთვის ფეხზე დამდგარა. ასე მოხდება ახლაც,“ - განაცხადა ირაკლი ალასანიამ.

თავდაცვის მინისტრს ძმათა სასაფლაოზე აფხაზეთის ომში დალუპული მემორების ოჯახის წევრებიც დახვდნენ.

გარდა ამისა, თავდაცვის მინისტრი, „ქართული ოცნების“ პრეზიდენტობის კანდიდატ გიორგი მარგველაშვილთან ერთად, ათასზე მეტ ომის ვეტერანს შეხვდა.

შეხვედრა ირაკლი ალასანიამ გახსნა, რის შემდეგაც სიტყვა გიორგი მარგველაშვილს გადასცა. პრეზიდენტობის კანდიდატმა სამხედრო გამოცხადება 20 წლის წინ აფხაზეთის ომში დალუპული ჯარისკაცების ოჯახებს. შეხვედრა კითხვა-პასუხის რეჟიმში გაიმართა.

გუშინ გმირთა მემორიალი ყვავილებით შეამკო აშშ-ს ელჩმა საქართველოში რიჩარდ ნორლანდმა. მისი თქმით, ოცი წლის შემდეგ ვითარების ნორმალიზაცია მისი პერსონალური ინტერესია.

„დღევანდელ დღეს, პერსონალურად ჩემთვის, განსაკუთრებული მნიშვნელობა აქვს. მე 20 წლის წინ ევროპის უშიშროების და თანამშრომლობის კონფერენციის დელეგაციის შემადგენლობაში სოხუმში ვიმყოფებოდი. 1993 წლის აგვისტოში, მაშინდელმა პრეზიდენტმა ედუარდ შევარდნაძემ საქართველოში აკრედიტებულ დიპლომატიურ კორპუსს გვთხოვა, სოხუმში ჩავსულიყავით და შექმნილ ვითარებას ადგილზე გავცნობოდით. მან გვთხოვა, შეგვეფასებინა გარდაუვალი საფრთხე, რომელიც ქალაქს ემუქრებოდა, დავხმარებოდით ამ ქალაქს საფრთხის თავიდან აცილებაში, თუმცა საერთაშორისო თანამეგობრობის ძალისხმევა საკმარისი არ აღმოჩნდა, თავიდან აგვეცილებინა სოხუმზე შეტევა და მისი დაცემა. ჩემი პერსონალური ინტერესია 20 წლის შემდეგ ვითარების ნორმალიზაცია, რაც ჰუმანიტარული კავშირებით უნდა დაიწყოს, როდესაც ადამიანთა აღარ ყოფნის ხელოვნური ბარიერებით, როდესაც ადამიანებს აქვთ საშუალება, მოინახულონ წინაპართა საფლავები და დაამუშაონ თავიანთი მინის ნაკვეთები. იმედი გვაქვს, საზღვრის გაკლების პროცესი დასრულდება და ყენევის მოლაპარაკებებზე პროგრესს მივაღწევთ,“ - განაცხადა ნორლანდმა.

სოხუმის დაცემის 20 წლისთავზე გმირთა მოედანიდან მსვლელობა ორი მიმართულებით მოეწყო. ახალგაზრდებისა და სამხედროების ნაწილი სამების ტაძრისკენ გაემართა, სამხედროების მეორე ნაწილი კი ვაშლიჯვარში, აფხაზეთის ომში დალუპულთა მემორიალთან მივიდა.

მსვლელობის მონაწილეებმა სამებაში აფხაზთა და ქართველთა შერიგებისთვის პატრიარქის კურთხევით ახლად დაწერილი ხატი მიიტანეს.

ხატის მიტანის შემდეგ სამებაში წირვა გაიმართა.

ილია II-მ აფხაზეთის უმაღლეს საბჭოს ეკლესიის უმაღლესი ჯილდო, წმინდა ნინოს ოქროს ორდენი მიანიჭა. პატრიარქის თქმით, ამ ჯილდოს ტარების უფლება უზენაესი საბჭოს თავმჯდომარეს ექნება, შესაბამისად, პატრიარქმა გუშინ ეს ჯილდო გია გვაზავას გადასცა.

ქადაგების დასრულების შემდეგ პატრიარქმა ტაძარში აფხაზეთის ომის დროს დალუპულთა სულების მოსახსენებელი პანაშვიდი გადაიხადა.

„ჩვენ დღეს ვლოცავთ არა მარტო ქართველებს, არამედ აფხაზებსაც, სხვა ერის წარმომადგენლებს. მე კიდევ მინდა, ვთქვა, რომ ეს ხელოვნურად დაწყებული ომი იყო და ქართველები და აფხაზები გრძობენ ამას,“ - აღნიშნა ილია II-მ.

პარაკლისის ბოლოს პატრიარქმა ახალი ინიციატივის შესახებ განაცხადა. მისი თქმით, 23 მაისს, წმინდა მოციქულ სვიმონ კანანელის ხსენების დღეს, „აფხაზეთობას“ აღნიშნავენ.

სამებაში გამართულ აფხაზეთის ომის დროს დალუპულთა სულების მოსახსენებელ პანაშვიდს საქართველოს ლტოლვილთა და განსახლების მინისტრი დავით დარჩხელიძე დაესწრო. მისი განცხადებით, „ქართველი და აფხაზი ხალხი ერთად ცხოვრებისთვის ვართ განწირულნი.“ დარჩხელიძის განმარტებით, ხატი, რომელიც პატრიარქის კურთხევით დაინერა, ქართველი და აფხაზი ხალხის შერიგებას ეძღვნება.

„დღევანდელი დღე ტკივილის, მწუხარების და ამასთანავე, იმედის დღეა, რადგან ეს ხატი, რომელიც უწმინდესის კურთხევით დაინერა, ქართველი და აფხაზი ხალხის შერიგებას ეძღვნება. ვფიქრობ, საკმაოდ დიდი დროა გასული იმისთვის, რომ ორივე მხარე მიხვდეს, რა შეცდომები დაუშვეთ და რა პრობლემის წინაშე დავდექით. ჩვენ, ორივე ეთნოსი, ქართველი და აფხაზი ხალხი ერთად ცხოვრებისთვის ვართ განწირულნი, სხვა შემთხვევაში, პრობლემები აფხაზებსაც და ქართველებსაც ექნებათ, ამიტომ ვფიქრობ, ერთმანეთს ურთიერთთანადგომა და სიყვარული უნდა გავუზავნოთ,“ - განაცხადა დავით დარჩხელიძემ.

სოხუმის დაცემის დღეს აფხაზეთის მოსახლეობისთვის მიმართვა აფხაზეთის ავტონომიური რესპუბლიკის მთავრობამ და უმაღლესმა საბჭომაც გაავრცელეს.

„1993 წლიდან ყოველი 27 სექტემბერი განსაკუთრებით მძიმე და ტკივილიანია სრულიად საქართველოსა და განსაკუთრებით აფხაზეთიდან დევნილი ჩვენი თანამემამულეებისთვის.“

ჯვართამაღლები ბრწყინვალე დღესასწაული იძულებით გადაადგილებულთა საერთო სატკივარის - აფხაზეთის პრობლემის მოგვარების გარშემო მიმდინარე პროცესების გაანალიზების და ამ მიმართულებით სამთავრობო სტრუქტურების, პოლიტიკური და საზოგადოებრივი ორგანიზაციების, არასამთავრობო სექტორის მიერ გადადგმული ნაბიჯების შეჯერების სიმბოლური თარიღი გახდა. 20 წლის განმავლობაში აფხაზეთის პრობლემის გარშემო მიმდინარე ყოველად უშედეგო პროცესების და რუსეთის იმ-

პერიის მიერ 2008 წლის 26 აგვისტოს აფხაზეთის დამოუკიდებლობის აღიარების ფონზე ძნელია, ანუგეზო აფხაზეთის მკვიდრნი, განსაკუთრებით შვილდალუპულთა ოჯახები. დრო ვერ აფერმკრთალებს სამშობლოს წინაშე ჩვენი საერთო ვალდებულებების უზენაესობას, ვერ ამსუბუქებს თავისავე ქვეყანაში იძულებით ადგილნაცვალ ადამიანთა გაუსაძლის სულიერ და ფიზიკურ ყოფას.

მაგრამ, მარტო სინანულით საქმეს ვერ ვუშველით. დღეს რითიც შეიძლება ვიამაყოთ, ეს არის ჩვენი თანამემამულეების სამოქალაქო გმირობა, რომელიც გამოიხატა მათ ჭირთათმენაში, სულიერ და ფიზიკურ სიძლიერეში, ფსიქოლოგიურ ნონასწორობასა და პოლიტიკურ კულტურაში. მიუხედავად გაუსაძლისი ყოფითი პირობებისა და სოციალური მდგომარეობისა, აფხაზეთის დევნილმა საზოგადოებამ აღზარდა ახალი განათლებული თაობა, რომელიც საკუთარ სიტყვას ამბობს ეკონომიკაში, მეცნიერებაში, ლიტერატურასა და ხელოვნებაში, კულტურასა და სპორტში, სახელისუფლებო სტრუქტურებში წარმატებული მოღვაწეობით,“ - ნათქვამია მიმართვაში.

ამასთან, აფხაზეთის მთავრობა დარწმუნებულია, რომ დადგება დრო, როდესაც აფხაზი და ქართველი ხალხი საერთო მტერს ამხელს.

„ღრმად ვართ დარწმუნებულნი, რომ ისტორიული სამართლიანობა აღდგება, აფხაზი და ქართველი ხალხი კვლავ ერთად ცხოვრებს მშვიდობისა და ურთიერთგაგების გარემოცვაში. დადგება ჟამი შეცდომების აღიარებისა, ურთიერთმიტევებისა და მონანიებისა, ჩვენი საერთო მტრის მხილებისა და დაგმობისა.“

ჩვენი სანუკვარი მიზანი ერთია: გავერთიანდეთ აფხაზეთის დაბრუნებისა და აფხაზეთში დაბრუნებისთვის გაერთიანებული და გაბრწყინებული საქართველოსთვის,“ - ნათქვამია აფხაზეთის ავტონომიური რესპუბლიკის მთავრობისა და უმაღლესი საბჭოს ერთობლივ განცხადებაში.

გარდა ამისა, სოხუმის დაცემის 20 წლისთავზე მეცნიერებათა აკადემიაში აფხაზეთის უახლესი ისტორიისა და კულტურის საკითხებისადმი მიძღვნილი კონფერენცია გაიმართა

კონფერენციას აფხაზეთის ომის მონაწილეები, მეცნიერებათა აკადემიისა და თავდაცვის სამინისტროს წარმომადგენლები, ასევე, აფხაზეთის უზენაესი საბჭოს თავმჯდომარე გია გვაზავა ესწრებოდნენ.

„ჩვენთვის მძიმე დღეა, გვინდა, ის გატყევილი ხიდი აღვადგინოთ, რომელიც ჩვენ და იქ დარჩენილ მოძმეებს შორის არსებობს. დღევანდელ შეხვედრაზე ვისაუბრებთ იმ საკითხებზე, თუ რა მოხდა, რატომ ვერ შევძელით პროვოკაციის გაჩერება. ვფიქრობ, იქ უკვე ჯანსაღ ადამიანებში საღი აზრი ჩნდება, რომ ყველაფერი თავს მოგვახვიეს და ორივე მხარე პროვოკაციას წამოვეგეთ,“ - განაცხადა გია გვაზავამ.

P.S. გუშინ, ღამით, თბილისის მეტროსადგურების კედლებზე უცნობ პირთა ჯგუფებმა, ქალაქში ამოებქედილი, აფხაზეთში დალუპულ ჯარისკაცთა სურათები გააკრა.

**დემირელის კოლეჯი**  
 აგრძელებს მოსწავლეთა მიღებას  
 I-XII კლასებში და ხსნის  
 I კლასისთვის მოსამზადებელ ჯგუფს  
 4-5 წლის ბავშვებისათვის.  
 ტრადიციულად, დემირელის კურსდამთავრებულებმა წელსაც ისახლეს თავი და ჩაირიცხნენ აშშ-ს, თურქეთის და საქართველოს პრესტიჟულ უმაღლეს სასწავლებლებში.  
 ათმა მოსწავლემ მოიპოვა 100%-იანი გრანტი, ოთხმა მოსწავლემ 70%-იანი გრანტი, შვიდმა მოსწავლემ 50%-იანი გრანტი.  
 მისამართი: ორთაჭალა გრიშაშვილის N 51  
 ტ: 2 75 24 58

# ზურაბ აბაშიძის კვიპროსი გაასენეს

პირველი გვარდიან

პრემიერის სპეციალური წარმომადგენელი სოჭის ოლიმპიადამი საქართველოს მონაწილეობის შესახებ მიღებული გადაწყვეტილების მოტივებზე საუბრობს: „სოჭის ოლიმპიადამი ჩვენი მონაწილეობის შესახებ გადაწყვეტილება მარტივი არ იყო. ოლიმპიურმა კომიტეტმა მიიღო ასეთი გადაწყვეტილება, რაც სწორია. ჩვენი მონაწილეობა უსაფრთხოების საკითხებზე უკავშირდება და ამცირებს რისკს, რომ თუ რაღაც უბედურება მოხდება, საქართველოს დააბრალონ, როგორც ადრე. ადრე ჩრდილო კავკასიაში რამე თუ მოხდებოდა, ხელს მამოინერგებდა საქართველოსკენ იმპრესიონიზმს.“ - ამბობს აბაშიძე.

ზურაბ აბაშიძე არ გამოიხატავს, რომ ევროკავშირთან ასოცირების

ხელშეკრულების გაფორმების შემდეგ, საქართველოსთვის ყაზახეთის, რუსეთის და ბელარუსის ბაზრებზე ვითარება გართულდეს.

საპარლამენტო უმცირესობის წევრმა ჩიორა თაქთაქიშვილმა ზურაბ აბაშიძეს მიმართა, რომ მან 5 ივნისს რუსეთის საგარეო საქმეთა მინისტრის მოადგილე გრიგორი კარასინთან შეხვედრის შემდეგ, 11 ივნისს დაბადების დღე კვიპროსზე, ლიმასოლში, ევგენი პრიმაკოვის აგარაკზე, პრიმაკოვისა და სხვა რუსი მაღალჩინოსნების გარემოცვაში აღნიშნა.

აბაშიძემ კვიპროსში ყოფნას ადასტურებს, თუმცა ევგენი პრიმაკოვთან შეხვედრას უარყოფს. „11-ში არა, მაგრამ მოგვიანებით ლიმასოლში გახლდით. იქ ჩემი ბავშვობის მეგობარს, ძალიან ცნობილ კარდელოვს დავით იოსელიანს აქვს ბინა. დავგვატყუა მეუღლესთან ერთად და ეს ამბავი ვიზუ-

იმეთ. ნამდვილად, იქვე ახლოს აქვს ბინა პრიმაკოვს. მე მას კარგად ვიცნობ, დიდი ხნის ურთიერთობა მაქვს და კარგად ვიცნობ არა მხოლოდ ბატონ პრიმაკოვს, არამედ უამრავ ხალხს მოსკოვში. თუმცა, სხვა მაღალჩინოსნები წვეულვებს არ ესწრებოდნენ. ჩემი პირადი მგზავრობისთვის ერთი ლარი არ ამიღია ბიუჯეტიდან. მეტსაც გეტყვით, ხვალ დავით იოსელიანს 70 წელი უსრულდება, პურ-მარილი აქვს მოსკოვში, ამ კაცს 50 წელია, ვიცნობ, ჩემზე გადაყოლილია, ჩემი მურნალი ექიმია და იმის გამო, რომ ასეთი კითხვა არ დამისვან, მოსკოვში ერთი დღითაც კი ვერ მივდივარ. ცოლი გაუშვი, როგორც ოჯახის წარმომადგენელი. ხალხო, ერთმანეთის მიმართ მეტი ნდობა უნდა გვქონდეს! ჩემი თხოვნაა, რომ მეტი ნდობა იყოს!“ - თქვა ზურაბ აბაშიძემ.

საპარლამენტო უმცირესობის წევრები რუსეთთან ურთიერთობის საკითხებში პრემიერის წარმომადგენელ ზურაბ აბაშიძესთან შეხვედრით იმედგაცრუებულნი არიან. უმცირესობის წევრ აკაკი მინაშვილის თქმით, დეპუტატებს აბაშიძისაგან არც ერთ შეკითხვაზე პასუხი არ მიუღიათ. როგორც მინაშვილი ამბობს, ქვეყნის ხელისუფლება საქართველოს ინტერესების დაცვას არ აპირებს.

„აბაშიძე რუსეთთან კულტურული ურთიერთობისა და ფაქტობრივად დღევანდელ საუბრობს. რუსეთი ამას დასავლეთთან სალაპარაკოდ იყენებს, რომ საქართველოსა და რუსეთს შორის დიალოგი მიმდინარეობს და დასავლეთის ჩარევა საჭირო არ არის. ჩემთვის გაუგებარია, რას ემსახურება ეს დიალოგი, როდესაც აქ საუბარი არ არის დევნილთა და-

რუნებაზე, დეოკუპაციაზე და აბაშიძე აცხადებს, რომ ეს საკითხები მოლაპარაკებების ფორმატში არ შედის.“ - ამბობს მინაშვილი.

უმცირესობის კრიტიკის მიუხედავად, აბაშიძე პარლამენტში გამართულ შეხვედრას დადებითად აფასებს. მისი თქმით, აუცილებელია, პარლამენტი ისეთი სერიოზული საკითხის საქმის კურსში იყოს, როგორც საქართველო-რუსეთს შორის მიმდინარე მოლაპარაკებები. „აქ პირველად არ ჩამოვსულვარ. ეს უკვე მესამე შემთხვევაა. მზად ვარ, ყოველთვის ჩამოვიდე. დეპუტატებთან თხოვნა მექნება, რომ თუ მათ აქვთ წინადადება, რომელიც შეიძლება, რუსეთის წარმომადგენელთან განვიხილო, მაღლობელი ვიქნები.“ - ამბობს აბაშიძე.

საკუთარი ინფორმაცია

## ჯარ - „Выездные визы“, შვიდობ - ინტერნეტის აკრძალვა?

პირველი გვარდიან

როგორც იმერლიმპილი ამბობს, ეს საკითხი კონსტიტუციის 22-ე მუხლის შესაბამისად უნდა განიხილოს. საკანონმდებლო ცვლილების მიღების შემთხვევაში კი, ის კონსტიტუციის ფარგლებში იმოქმედებს. ასე რომ, ეს აჯიოტაჟი ნამდვილად ზედმეტია. არანაირი ახალი ნორმა, ახალი შეზღუდვა, ახალი რეგულაცია არ უნდა დაემატოს მოქალაქეებს, გარდა იმისა, რაც ისედაც იყო საქართველოს კონსტიტუციაში. ეს კანონპროექტი არ არის დაჩქარებული წესით განსახილველი. ეს ზუსტად კონსტიტუციური ნორმაა გადმოტანილი და შესაძლოა, საზოგადოებრივი უსაფრთხოებიდან გამომდინარე, ადამიანის საზღვარზე გადასვლა შეჩერდეს.“ - ამბობს იმერლიმპილი.

საქართველოს კონსტიტუციის 22-ე მუხლში ნათქვამია, რომ ყველას, ვინც კანონიერად იმყოფება საქართველოში, ქვეყნის მთელ ტერიტორიაზე თავისუფალი მიმოსვლისა და საცხოვრებელი ადგილის თავისუფალი არჩევის უფლება აქვს. მეორე პუნქტის თა-

ნახმად, ყველას, ვინც კანონიერად იმყოფება საქართველოში, შეუძლია, თავისუფლად გავიდეს საქართველოდან. მესამე პუნქტი კი მიუთითებს, რომ ამ უფლებათა შეზღუდვა შეიძლება მხოლოდ კანონის შესაბამისად, დემოკრატიული საზოგადოების არსებობისთვის აუცილებელი სახელმწიფო უშიშროების ან საზოგადოებრივი უსაფრთხოების უზრუნველყოფის, ჯანმრთელობის დაცვის, დანაშაულის თავიდან აცილების ან მართლმსაჯულების განხორციელების მიზნით.

„24 საათი“ საქართველოს საგარეო საქმეთა მინისტრის ყოფილ მოადგილეს, ინტერნეტგაზეთ IVERIA.BIZ-ის დამფუძნებელ ნიკოლოზ ვაშაქიძეს ესაუბრა. მისი შეფასებით, პროექტი გამოაგნებულ შთაბეჭდილებას ტოვებს და მას არანაირი ახსნა არა აქვს. „გამოდის, რომ საკანონმდებლო დონეზე ადამიანის ფუნდამენტურ უფლებებს ვარღვევთ. ეს რა შედეგებს გამოიწვევს, ბევრი ანალიზი არ სჭირდება, - აღნიშნავს ვაშაქიძე და განაგრძობს, - როდესაც ადამიანს ბრალი წაყენებული არა აქვს, მაგრამ ვიღაც ჩი-

ნოვნიკი გაუგებარი კრიტიკიუმებით წყვეტს, თუ რას ემსახურება ქვეყნიდან მისი გასვლა, ეს ანტიდემოკრატიული ნაბიჯია. დარწმუნებული ვარ, ეს კანონპროექტი საქართველოს კონსტიტუციას და საერთაშორისოდ აღიარებულ ადამიანის უფლებებს ეწინააღმდეგება. რა უფლება აქვს ვინმეს, განსაზღვროს, რომ ეს ადამიანი სახელმწიფოს უსაფრთხოებას საფრთხეს უქმნის, თუ ეს შესაბამისი სამართლებრივი პროცედურებით არ არის გამაგრებული.“

ნიკოლოზ ვაშაქიძე პარალელს საბჭოთა კავშირის პრაქტიკასთან აგებს და აღნიშნავს, რომ ასეთი ველური სახით შეზღუდვა საბჭოთა კანონმდებლობაშიც კი არ იყო დაფიქსირებული: „საბჭოთა კავშირში გადაადგილების შეზღუდვის კუთხით ასეთი პრაქტიკა იყო, მაგრამ მათ ჭკუა ჰყოფნიდათ და ნორმები ასეთი საპარლამენტო სახით იურიდიულ ენაზე არ გადააქციდნენ.“

ვაშაქიძე ყურადღებას იმ მიზნებზეც ამახვილებს, რაც, მისი აზრით, საკანონმდებლო ცვლილების

ინიცირებას შეიძლება, რეალურად ჰქონდეს.

„დღევანდელ ხელისუფლებაში ზოგიერთს ჰგონია, რომ იმიჯის პრობლემები ზოგიერთი იმ ადამიანის ბრალია, რომელიც ქვეყნიდან გადის და ჟურნალისტებს, პოლიტიკოსებს ხვდება. ეს, რა თქმა უნდა, აბსოლუტური სისულელეა. ხელი-სუფლებას იმიჯის ვერანაირი საზღვრები ვერ შეუღასავს, თუ ის თავის ქმედებებში გამართულია. დიდი ხანია, მუსიკებს თემა, რომ ყოფილი ხელისუფლების წარმომადგენლები მოქმედ ხელისუფლებას უცხოეთში სახელს უტეხენ. არ გამოვრიცხავ, რომ ცვლილება მათი გადაადგილების შესაზღუდად კეთდება. ასევე შესაძლებელია, ამ კანონპროექტის უკან უფრო შორსმიმავალი გეგმები იდგეს. კარგად გვესმის, რომ ეს, საბოლოო ჯამში, ქვეყანაში შიშსა და ტერორს დათესს. ვიცით, რომ საპარლამენტო უმრავლესობაში იურიპრუდენციამ ვარკვეული ადამიანები არიან და ისინი ასეთ სისულელეს არ დაუშვებენ.“ - მიიჩნევს ნიკოლოზ ვაშაქიძე.

საქართველოს საგარეო საქმეთა ყოფილ მინისტრ გრიგოლ ვაშაქის კანონპროექტის შესახებ საუბრისას საბჭოთა კავშირის გამოცდილება ახსენებდა. „თავიდანვე სერიოზული სამართლებრივი ანალიზისთვის ვიყავი განწყობილი, მაგრამ მას შემდეგ, რაც კანონპროექტს გავცანი, კონსტიტუციის 22-ე მუხლს ჩაჯახე და ივანიშვილის პარლამენტის დეპუტატების კომენტარებს მოვუსმინე, ყოველგვარი სურვილი გამიქრა, რომ ამ ე.წ. საკანონმდებლო ინიციატივაზე სერიოზულად მელაპარაკა. ქალბატონ და ბატონ დეპუტატებთან რჩევა მაქვს: თავს ნუ ინვალებენ, ველოსიპედს ნუ იგონებენ, რომელიც უკვე გამოგონილია, საბჭოთა კავშირის პრაქტიკას მიმართონ, შემოიღონ „Выездные визы,“ რომელსაც სუკი ყველა საბჭოთა მოქალაქის პასპორტში არტყამდა. ამით თავის ყველა პრობლემას ძალიან მარტივად გადაწყვეტენ. ამის შემდეგ, ბუსუსიან პრეზერვატივებთან ერთად, აუცილებლად აკრძალონ ინტერნეტი.“ - ამბობს გრიგოლ ვაშაქი.

## შეხვედრები აშშ-ში ვიზიტის ფარგლებში

საქართველოს პრეზიდენტმა მიხეილ სააკაშვილმა, გაერო-ს გენერალურ ასამბლეაზე გამოსვლის შემდეგ, სიტყვით მიმართა 2013 წლის კონკორდიას სამიტის გახსნის აღსანიშნავად მოწყობილ მიღებაზე შეკრებილ საზოგადოებას.

„მინდა, მივესალმო საქართველოს რესპუბლიკის პრეზიდენტს, როგორც კონკორდიას მეგობარს და პარტნიორს. ის წარმოადგენს თავისუფლებას მსოფლიოში. ის საკუთარი ქვეყნის არაჩვეულებრივი ადვოკატია. ვინც გუშინ გაერო-ში მისი სიტყვა მოისმინათ, გეცოდინებათ, პრეზიდენტი სააკაშვილი თავისუფლების დამცველია და, რაც მთავარია, ის არის სიტყვის კაცი. საქართველოს ხელისუფლებამ, აშშ-ს ძლიერმა მოკავშირემ, ქვეყანა ააყვავა და ქართველი ხალხიც უკეთესად არის. საქართველო არშემდგარი სახელმწიფოდან ათ წელიწადში დემოკრატიულ, საბაზრო ეკონომიკის ქვეყნად იქცა. პრეზიდენტი სააკაშვილი ყველაზე პირველი იყო, ვინც ახალგაზრდა მენარმეების მხარდაჭერა დაიწყო,“ - ასე წარადგინეს მიხეილ სააკაშვილი.

საქართველოს პრეზიდენტმა კი სიტყვით გამოსვლისას აღნიშნა, რომ მრავალი გამოწვევისა მიუხედავად, ქვეყანამ განვითარება შეძლო.

„განვითარებამდე ქვეყანამ ათწლეული შესვლა პირველად შეძლო. მსოფლიო ბანკის მონაცემებით, მსოფლიოს ნომერ პირველი რეფორმატორი გავხდით. ჩვენ გვაქვს მსოფლიოში ყველაზე სწრაფი საბა-

ჟო პროცედურები, ასევე ბიზნესის რეგისტრაციის, ქონების გადაფორმების და ID ბარათების აღების ყველაზე სწრაფი პროცედურები. ეს არის ქვეყანა, რომელმაც ენერგომეზარგოს გაუძლო. 2008 წელს ოკუპაციის სამიზნე გავხდით, როდესაც რუსეთი 100 000-იანი არმიით შემოიჭრა, ამავე რაოდენობის ჯარით შევიდნენ ისინი 70-იან წლებში ავღანეთში. საქართველომ ამ ყველაფერს გაუძლო. ჩვენ გადავურჩეთ ემბარგოს, განვითარდით, გავიზარდეთ და უცხოური ინვესტიციებისთვის მიმზიდველი გავხდით.“ - განაცხადა პრეზიდენტმა.

საკაშვილის თქმით, საქართველომ სტაბილურობას მიაღწია და ევროპაში ყველაზე ნაკლებად კრიმინალური ქვეყანა გახდა, თუმცა ხელი-სუფლების ცვლილების შემდეგ გარკვეული სირთულეები წარმოიქმნა.

„ჩვენ იმდენად ძლიერი ინსტიტუტები შევქმენით, რომ როდესაც ახალი მთავრობა მათთვის ძირის გამოთხრის მკაფიო პროგრამით მოვიდა, მაინც ვერაფერი მოუხერხა. ხალხმა გაიგო კორუფციის გარეშე ცხოვრების გემო. როდესაც ამის გემოს გაიგებ, სხვა მთავრობას უკვე სასწაულს მოსთხოვ. არავინ შეეგუება წარსულში დაბრუნებას. მესტ-საბჭოთა სივრცეში ჩვენ შევქმენით რაღაც, სადაც შეიძლება, გვექონდეს დემოკრატია, სიტყვის თავისუფლება, ქმნიდნენ ნორმატიულ საზოგადოებას. ეს განხორციელებადი მიზანია,“ - აღნიშნა მიხეილ სააკაშვილმა.

ამერიკის შეერთებულ შტატებში

ვიზიტის ფარგლებში საქართველოს პრეზიდენტი ნატო-ს გენერალურ მდივან ანდერს ფოგ რასმუსენს შეხვდა. მასთან მიხეილ სააკაშვილმა რუსეთის მიერ ოკუპირებული ტერიტორიის მოსაზღვრე სოფლებში - დვანსა და დიკში მავთულხაზების აღმართვის ფაქტზე ისაუბრა.

საქართველოს პრეზიდენტი ასევე ალბანეთის პრემიერ-მინისტრ ედი რამას შეხვდა. მხარეებმა ორმხრივი და მრავალმხრივი თანამშრომლობის საკითხები და საერთაშორისო ორგანიზაციების ფარგლებში პარტნიორობის მიმართულებები განიხილეს. თავის მხრივ, ალბანეთის პრემიერ-მინისტრმა ყურადღება გაამახვილა საქართველოში პრეზიდენტ მიხეილ სააკაშვილის მმართველობის პერიოდში განხორციელებულ რეფორმებზე. ედი რამას განცხადებით, მიხეილ სააკაშვილი ალბანეთის ახალგაზრდა თაობის პოლიტიკოსებისთვის გმირია, რომელმაც დაამტკიცა, რომ შეუძლებელი არაფერია.

ჩვენი მეგობარი საქართველოს პრეზიდენტი ალბანეთის ახალგაზრდა თაობის პოლიტიკოსებისთვის გმირია. ძალიან დიდია მისი ღვაწლი ქვეყნის წინაშე. ჩვენ კი დავამტკიცეთ, რომ შეუძლებელი არაფერია, თუკი ადამიანს აქვს მტკიცე ხედვა და უნარი, მიჰყვეს მას. ამავე დროს, ჩვენ გავგიმართლა, რადგან მისი გამოცდილებიდან ბევრს ვსწავლობთ და შეგვიძლია, ერთმანეთს საკუთარი იდეები გავაცნოთ. დაბოლოს, მოხარული ვარ, რომ შემიძლია, მას გავუზიარო ჩემი შეხედულებები, თუ

როგორ უნდა ვებრძოლოთ მარტივ პოპულიზმსა და მარტივ რიტორიკას სამყაროს შეცვლის თემაზე, რაც, საბოლოოდ, შეიძლება, კომპარად იქცეს.“ - განაცხადა ალბანეთის პრემიერმა.

გარდა ამისა, გაერო-ს გენერალურ ასამბლეაზე სიტყვით გამოსვლის შემდეგ მიხეილ სააკაშვილი, ამერიკის შეერთებული შტატების ვიცე-პრეზიდენტ ჯო ბაიდენტთან, ბილ და ჰილარი კლინტონებთან და ნიუ-იორკის მერ მაიკლ ბლუმბერგთან ერთად, კლინტონის გლობალური ინიციატივის ფარგლებში გამართულ საზეიმო ვახშამს დაესწრო.

ამერიკის შეერთებულ შტატებში ვიზიტის ფარგლებში შეხვედრებს მართავს ასევე საქართველოს საგარეო საქმეთა მინისტრი მაია ფანჯიკიძე.

ევროკავშირის საგარეო ურთიერთობათა და უსაფრთხოების პოლიტიკის უმაღლესი წარმომადგენელი, ევროკომისიის ვიცე-პრეზიდენტი ქეთრინ ეშტონი აღმოსავლეთ პარტნიორობის ინიციატივის ექვსივე ქვეყნის მინისტრებს შეხვდა.

საგარეო საქმეთა სამინისტროს ინფორმაციით, შეხვედრა გაერო-ს გენერალური ასამბლეის 68-ე სესიის პარალელურად გაიმართა და საქართველოს დელეგაციას საგარეო საქმეთა მინისტრი მაია ფანჯიკიძე ხელმძღვანელობდა.

ევროკავშირის მხრიდან შეხვედრას ასევე ესწრებოდნენ: ევროკომისარი გაფართოებისა და ევროპული სამეზობლო პოლიტიკის დარგში შტეფან ფულე, ევროპული საგარეო ქმე-

დებათა სამსახურის გენერალური მდივნის მოადგილე ჰელგა შმიდი და ევროკავშირის საბჭოს თავმჯდომარე ქვეყნის, ლიტვის საგარეო საქმეთა მინისტრი ლინას ლინკაივიჩუსი.

შეხვედრაზე განიხილეს ყველა პარტნიორი ქვეყნის მიერ დასახული მიზნები და მოლოდინები ვილნიუსის სამიტის კონტექსტში.

ქეთრინ ეშტონმა, შტეფან ფულემ და ლინას ლინკაივიჩუსმა აღნიშნეს, რომ ევროკავშირი მხარს უჭერს სა-მიტზე უკრაინასთან ასოცირების შესახებ შეთანხმების ხელმოწერას, ხოლო საქართველოსა და მოლოდინთან - ამ შეთანხმების პარაფირებას.

ასევე, შტეფან ფულემ განაცხადა, რომ ევროკომისია მასქიმალურად უნდა ეცადოს, რათა საქართველოსა და მოლოდინთან ასოცირების შესახებ შეთანხმებებს ამყარებდელი ევროკომისიის მანდატის ამონურვამდე მოეწეროს ხელი.

„შეხვედრაზე კიდევ ერთხელ შევაჯამეთ მიღწეული შედეგები ვილნიუსის სამიტის წინ. ძალზედ მკაფიო განცხადებები გაკეთდა იმის შესახებ, რომ უკრაინა ასოცირების ხელშეკრულებას ხელს მოაწერს, ხოლო მოლოდინა და საქართველო ხელშეკრულების პარაფირებას მოახდენენ, ევროკომისიის ვადის ამონურვამდე ხელი მოეწერება მოლოდინთან და საქართველოსთან ასოცირების ხელშეკრულებას. ეს ფაქტი ძალზე მნიშვნელოვანია, რადგან ამ ყველაფრის უკან უდიდესი შრომა დგას,“ - განაცხადა მაია ფანჯიკიძე.



# ფოტოსახედი ლეიდენის ისტორიიდან

პირველი გვიჩვენებს

ერვინ ოლაფის პროექტის „ლეიდენი - ისტორიის ფურცლები“ მასპინძელი ჰოლანდიური ფონდ „არტ ექს“ ფესტივალი „იბერია“ გახლავთ, რომელიც წელს მეოთხედ, საქართველოში კი მეორედ იმართება. უშუალოდ გამოფენა ეროვნულ გალერეაში (ე.წ. ცისფერი გალერეა) მოეწყობა, რაც არა უგვიანეს იანვრისა მოხდება. საგულისხმოა, რომ „ლეიდენი - ისტორიის ფურცლები“, რომლის შემკვეთი და მფლობელი ლეიდენის უნივერსიტეტი გახლავთ, ჰოლანდიის ტერიტორიის პირველად დატოვებს, ამრიგად მისი უცხოური გასტროლის ექსკლუზივი ჯერჯერობით ჩვენ გვეკუთვნის.

კულტურის პოპულარიზაციის ფონდ „არტ ექს“ დამაარსებელი, „იბერიას“, შესაბამისად კი ერვინ ოლაფის გამოფენის ორგანიზატორი ჰოლანდიაში მცხოვრები დალი დე გრააფ-უბილავა, რომელიც გამოფენასთან დაკავშირებულ საინტერესო ამბავს გვიამბობს: „ამ პროექტის შექმნა ერვინ ოლაფმა 2011 წელს ლეიდენის უნივერსიტეტისა და ლაქენჰაის მუზეუმისგან მიიღო. პროექტის იდეა ლეიდენის უნივერსიტეტს ეკუთვნის, რომლის დაარსებაც მჭიდროდა დაკავშირებული ამ ქალაქთან. ესპანეთის იმპერიისგან განთავისუფლებისთვის ნამოყვებელი ოთხმოცწლიანი ომის დროს ლეიდენელები რამდენიმე თვის განმავლობაში მედგრად იცავდნენ ქალაქს და სიმამაცის მაგალითიც აჩვენეს (ქალაქი 1574 წელს განათავსდნენ). მათი საქციელით აღფრთოვანებულმა მეფე ვილჰელმმა ქალაქის მაცხოვრებლებს არჩევანი შესთავაზა - ან ქალაქს გადასახადებისგან გაანთავისუფლებდა ან აქ უნივერსიტეტს დააარსებდა. ლეიდენელებმა არჩევანი უნივერსიტეტზე შეაჩერეს, მეფემ კი დანაპირები აასრულა. ამჟამად ლეიდენის უნივერსიტეტი ოქსფორდის შემდეგ ევროპაში ყველაზე ძველ და ჰოლანდიის უმნიშვნელოვანეს საგანმანათლებლო ცენტრად მიიჩნევა.“

ლეიდენის უნივერსიტეტის შექმნაზე მუშაობა, რომელიც სწორედ ზემოთ მოთხრობილ ისტორიას ეძღვნება, ერვინ ოლაფმა კასტინგით დაიწყო. მისი ჩანაფიქრით, ლეიდენის ისტორიის ყველაზე დრამატული ეპიზოდი სწორედ ამ ქალაქის მოსახლეობასთან ერთად უნდა გაცოცხლებულიყო. კასტინგს იმ პერიოდის ჰოლანდიური მხატვრობის შესწავლა მოჰყვა და სწორედ ამიტომაც ვხვდებით დასრულებულ პროექტში რემბრანდტისეულ ჩრდილებს, ფერებსა და სახეებს (ალსანიშნავია, რომ თავად მხატვარიც ლეიდენელი გახლდათ).

შედეგად პროექტი ცხრა ნამუშევრით შეიკრა. ზოგ მათგანზე ლეიდენელები ჰოლანდიის სამეფო ოჯახის წევრებს განასახიერებენ, ზოგან ჯარისკაცებს თამაშობენ, შიმშილითა და ავადმყოფობით გათანჯული ან პარტიზანულ ბრძოლაში ჩაბმული გლეხები არიან. ზოგადად პროექტი ძალიან ემოციურია, ის არაჩვეულებრივად ასახავს უბრალო ადამიანების სურვილს, იყვნენ თავისუფლები, ხოლო ამ ისტორიის შემდგომ განვითარებული მოვლენები ერთმნიშვნელოვნად მონაწილეობს, რომ ქვეყნის მმართველიც შეიძლება გულმონყაღე და დანაპირების შემსრულებელი იყოს...

რაც შეეხება ერვინ ოლაფს, მისი სახელი არა მხოლოდ ფოტოხელოვნებით დაინტერესებულთათვისაა ცნობილი. Campbell's, Levi's, Diesel, Lavazza, Hennessy, Heineken, Nokia, Microsoft - ეს იმ კომპანიების ჩამონათვალია, რომელთათვისაც ერვინ ოლაფს სარეკლამო პროდუქცია მოუშაბდა. ოლაფი მსოფლიოში ერთ-ერთ ყველაზე ძვირადღირებულ კომერციულ ფოტოგრაფად მიიჩნევა, თუმცა მის პორტფოლიოში არაკომერციული სერიები უფრო სჭარბობს. მას ძალიან უყვარს პროვოკაციული ფოტოსესიების გამართვაც,

პირველი სერიოზული აღიარება კი სწორედ ამ ტიპის ფოტოების დამსახურებით მოიპოვა: 2000 წელს მის მიერ გადაღებულმა სერიამ „მოდის მსხვერპლი“, რომელიც სხვა და სხვა ცნობილი ბრენდის პაკეტებით სახე დაფარული შიშველი მოდელების ფოტოები შედის, საზოგადოებაში დიდი შოკი გამოიწვია. უფრო დიდი რეზონანსი მოჰყვა 2001 წლის სერიას „სამეფო სისხლი“, რომელიც არა ბუნებრივი სიკვდილით გარდაცვლილ დიდგვაროვნებს ეძღვნებოდა. სერიის ერთ-ერთი მთავარი ფოტოს გმირი კი პრინცესა დიანა გახლავთ.

ერვინ ოლაფი დღეს ფოტოგრაფიის ვარსკვლავია და სწორედ ვარსკვლავებისთვის შესაფერისი ცხოვრება აქვს, ამიტომ ჯერ არ ვიცით, შეძლებს თუ არა თბილისში თავის ნამუშევრებთან ერთად ჩამოსვლას.

**დალი დე გრააფ-უბილავა:** „მიუხედავად იმისა, რომ გამოფენა უკვე დაგეგმილია და მის ჩატარებას არაფერი უშლის ხელს, პირადად ერვინ ოლაფთან კონტაქტი არ მქონია, მოლაპარაკება მის წარმომადგენელთან მიმდინარეობდა. ამრიგად ჩვენ მხოლოდ იმედი შეგვიძლია გვექნდეს, რომ მის დატვირთულ გრაფიკში რამდენიმე თავისუფალი დღე გამოჩნდება და თბილისში ჩამოსვლას შეძლებს“.

დაახლოებით მსგავსი სახელის მქონე სტუმრის მასპინძლობის გამოცდილება ფესტივალ „იბერიას“ უკვე გააჩნია: ორიოდე წლის წინ ფესტივალის ფარგლებში თბილისის ცნობილი ჰოლანდიელი ანიმატორი გერიტ ვან დაიკი სტუმრობდა (პროექტი „რე ანიმაცია დასავლეთიდან“), რომელმაც არა მხოლოდ საკუთარი ნამუშევრები წარმოგვიდგინა, არამედ სტუდენტებს რამდენიმე ძალიან საინტერესო მასტერკლასიც ჩაუტარა.

ეს 2011 წელს, მეორე „იბერიაზე“ ხდებოდა. მანამდე კი ქართულ კულტურას ჰოლანდიელები გაცნენ. 2009 წელს დაარსებული „არტ ექს“ ჯერჯერობით ერთადერთი პროექტი პირველად სწორედ ლეიდენში განხორციელდა. ქართული კულტურა აქ ანსამბლმა „რუსთავმა“ წარმოადგინა, პარალელურად კი 50-იანელი ქართველი მხატვრების გამოფენა და ფილმების ჩვენება მიმდინარეობდა („ჯარისკაცის მამა“, „პასტორალი“, „ფიროსმანი“). საპასუხო ფესტივალი, როგორც გითხარით, თბილისში, გერიტ ვან დაიკის შემოქმედების ფონზე ჩატარდა, შარშან კი „იბერია“ კვლავ ჰოლანდიაში გადაინაცვლა. ამჯერად „რუსთავის“, ასევე ქართველი მხატვრებისა და ფოტოგრაფების შემოქმედება ლეიდენის გარდა კეკელიძეში (ტიტების პლანტაციებით ცნობილი ქალაქი) და ტექსელზე გაიცნეს. „ფესტივალს ჰოლანდიაში უამრავი მხარდამჭერი ჰყავს. ლეიდენის მერია, კულტურის სამსახური, ადგილობრივი პრესა და სხვა და სხვა კომპანიები დიდ თანადგომას გვიწვევენ და გვაფასებენ. სწორედ „იბერიას“ სახელის დამსახურებაა, რომ ამჟამად ლეიდენის ქუჩებში მსოფლიოს სხვა ერების პოეტურ მარგალიტებთან ერთად „ვეფხისტყაოსნის“ ორი სტროფიც იკითხება. ეს გახლდათ ქალაქის ათწლიანი პროექტი, რომელიც „არტ ექს“ დაარსების დროისთვის უკვე დახურული იყო, მაგრამ ქართული კულტურით აღფრთოვანებულმა ლეიდენის მთავრობამ ჩვენთვის გამოაკლისი დაუშვა და თავად გვთხოვეს, ერთ-ერთი სახლის კედელზე რუსთაველის ტექსტიანი სტენდი აღგვემართა. ამგვარი დამოკიდებულება კი მხოლოდ ჩვენი ფესტივალის ხარისხსა და აუცილებლობაზე მეტყველებს“, - ამბობს დალი დე გრააფ-უბილავა.

როგორც გითხარით, ერვინ ოლაფის გამოფენის ზუსტი თარიღი ჯერ ცნობილი არაა. ამის და სხვა სიახლეების შესახებ უახლოეს მომავალში გაცნობებთ.




# NATALIE



# COLE

FRIDAY, NOVEMBER 1  
TBILISI CONCERT HALL

EN ESPAÑOL  OUT JUNE 25

TBILISIJAZZ.COM  /TBILISIJAZZFESTIVAL

PURCHASE TICKETS AT TBILISI CONCERT HALL'S BOX OFFICE, ONLINE AT WEBSITE BILETEBI.GE. MORE INFO BY PHONE AT 2990599

**განცხადება**

2013 წლის 18 ნოემბერს 14 საათზე, ქ. ფოთი, დ. აღმაშენებლის 50, მე-4 სართული, მო-ენყობა "URS Federal Services International, Inc."-ის საქართველოს წარმომადგენლობის საქართველოს სასაზღვრო პოლიციის სანაპირო დაცვის ფოთის ბაზაზე გემების ამოსაღები ეს-ტაკადის და გემების დროებითი განთავსების მოედანის მშენებლობის გზშ ანგარიშის საჯარო განხილვა.

საქმიანობის ძირითად მიზანს წარმოადგენს გემების ამოსაღები ესტაკადის და გემების დროებითი განთავსების მოედანის მშენებლობა.

საზოგადოების წარმომადგენლებს დაგეგმილ საქმიანობასთან დაკავშირებული დოკუმენ-

ტაციის გაცნობის საშუალება ექნებათ შემდეგ მისამართებზე: ქ. ფოთი, დ. აღმაშენებლის 50, მე-4 სართული. ტელ: 595 45-47-97; 595 65-66-78.

დოკუმენტაციის ელ. ვერსიის გაცნობა ასევე შესაძლებელია გარემოს დაცვისა და ბუნებ-რივი რესურსების სამინისტროს ვებ-გვერდზე.

საზოგადოების მოსაზრების წარდგენის ბოლო ვადა (დაგეგმილი საქმიანობის შესახებ ინ-ფორმაციის გამოქვეყნებიდან 45 დღე) 2013 წლის 11 ნოემბერი.

"URS Federal Services International, Inc."-ის საქართველოს წარმომადგენლობა

**არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდის სატენდერო განცხადება**

ქ. ფოთი 27 სექტემბერი, 2013 წ.

არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდი აცხადებს ტენდერს, შავი ზღვის ვეშაპისნაირთა მონიტორინგის პროგრამის შესყიდვაზე და იწვევს ტენდერში მონაწილეობის მისაღებად ყველა დაინტერესებულ პირს.

1. შესყიდვის ობიექტის დასახელება, ზოგადი მახასიათებლები, რაოდენობა და მოწოდების ვადები:

ლოტი	შესყიდვის ობიექტის დასახელება და მახასიათებლები	რაოდენობა	მოწოდების ვადა
1	<p>შავი ზღვის ვეშაპისნაირთა მონიტორინგის პროგრამის შესყიდვა</p> <p>1. შავი ზღვის სამივე სახეობის დელფინის (<i>Tursiops truncatus</i>, <i>Delphinus delphis</i>, <i>Phocoena phocoena</i>) რიცხოვნობის შეფასება კოლხეთის ეროვნული პარკის საზღვაო აკვატორიაში სეზონების მიხედვით, მათ შორის:</p> <ul style="list-style-type: none"> <li>• ჯგუფების ამოცნობა</li> <li>• რეზიდენტული და დროებითი ჯგუფების განსაზღვრა</li> <li>• მინიმალური რიცხოვნობის განსაზღვრა</li> </ul> <p>2. შეხვედრის სიხშირის (Sighting frequency) დადგენა</p> <p>3. დელფინების საკვები ტერიტორიების გამოყოფა</p> <p>4. დელფინებზე მოქმედი ბუნებრივი და ანთროპოგენური საფრთხეების გამოვლენა</p> <p>5. რეკომენდაციების შემუშავება გამორიყვების მონიტორინგის ქსელის შექმნისთვის</p> <p>6. განრიდების დისტანციის კორელაციის დადგენა სხვადასხვა ფაქტორებთან</p> <p>7. კოლხეთის ეროვნული პარკის შავი ზღვის აკვატორიაში დელფინებზე თვალთვალის (dolphin watching) განვითარების პერსპექტივის შეფასება</p>		ხელშეკრულების დადებიდან 2014 წლის 31 დეკემბრამდე. (ეტაპობრივად)

მოწოდების ადგილი: საქართველო, ქ. ფოთი.

- ტენდერში მონაწილეობის მსურველი პირებისათვის, სატენდერო დოკუმენტაციის გაცემა იწარმოებს 2013 წლის 30 სექტემბრიდან - 2013 წლის 15 ოქტომბრის ჩათვლით, დილის 10:00 საათიდან საღამოს 17:00 საათამდე, შემდეგ მისამართზე: საქართველო, ქ. ფოთი, გურიის ქ. №222, კოლხეთის ეროვნული პარკის ადმინისტრაციული შენობა.
- სატენდერო წინადადების წარმოდგენის ბოლო ვადაა 2013 წლის 16 ოქტომბერი 14:00 საათი. სატენდერო წინადადებები გაიხსნება სატენდერო წინადადების წარმოდგენის ვადის დასრულებისთანავე.
- დაინტერესებულმა პირებმა დამატებითი ინფორმაცია ტენდერის პროცედურების შესახებ შეუძლიათ მიიღონ: ქ.ფოთი, გურიის ქ.#222-ში. საკონტაქტო პირი: დავით კვიციანი, ტელ: 577 923434, ელ.ფოსტა: dato.kviciani@mail.ru

**არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდის სატენდერო განცხადება**

ქ. ფოთი

27 სექტემბერი, 2013 წ.

არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდი აცხადებს ტენდერს, ჰიდროლოგიური რეჟიმის მონიტორინგის პროგრამის შესყიდვაზე და იწვევს ტენდერში მონაწილეობის მისაღებად ყველა დაინტერესებულ პირს.

1. შესყიდვის ობიექტის დასახელება, ზოგადი მახასიათებლები, რაოდენობა და მოწოდების ვადები:

ლოტი	შესყიდვის ობიექტის დასახელება და მახასიათებლები	რაოდენობა	მოწოდების ვადა
1	მეტეო სადგური (ჰაერის ტემპერატურა და სინოტივე, ატმ. წნაღები, ქარის სიჩქარე და მიმართულება)	1	ხელშეკრულების დადებიდან 2014 წლის 31 აგვისტომდე
	ჰიდროლოგიური სადგური	2	
	ჭაობის წყლის დონის მზომი	2	
	ტბის წყლის დონის მზომი	1	
	პიეზომეტრი	2	
	ლიზიმეტრი	2	
	რადიო მოდემი	4	
	სერვერი	1	

5.

უწყვეტი კვების წყარო 1500VA	1
მონიტორი 24"	3
პროგრამული უზრუნველყოფა	1
საველე დაკვირვების აპარატურის და სერვერის ინსტალაცია	10
პერსონალის ტრენინგი	1

მოწოდების ადგილი: საქართველო, ქ. ფოთი.

- ტენდერში მონაწილეობის მსურველი პირებისათვის, სატენდერო დოკუმენტაციის გაცემა იწარმოებს 2013 წლის 30 სექტემბრიდან - 2013 წლის 15 ოქტომბრის ჩათვლით, დილის 10:00 საათიდან საღამოს 17:00 საათამდე, შემდეგ მისამართზე: საქართველო, ქ. ფოთი, გურიის ქ. №222, კოლხეთის ეროვნული პარკის ადმინისტრაციული შენობა.
- სატენდერო წინადადების წარმოდგენის ბოლო ვადაა 2013 წლის 16 ოქტომბერი, 12:00 საათი. სატენდერო წინადადებები გაიხსნება სატენდერო წინადადების წარმოდგენის ვადის დასრულებისთანავე.
- დაინტერესებულმა პირებმა დამატებითი ინფორმაცია ტენდერის პროცედურების შესახებ შეუძლიათ მიიღონ: ქ.ფოთი, გურიის ქ.#222-ში. საკონტაქტო პირი: მათა ნასარაია, ტელ: 577 55 75 12, ელ.ფოსტა: KNP.fondi@gmail.com

# საქართველო ჭაბუკ ხელბურთელთა მსოფლიო ჩემპიონატის მასპინძლობისთვის იზრძვის

საქართველოს ხელბურთის ფედერაციას 2017 წლის ჭაბუკთა მსოფლიო ჩემპიონატის საქართველოში ჩატარება სურს. ხელბურთის საერთაშორისო ფედერაცია მასპინძლის ვინაობას 2013 წლის 27 ოქტომბერს, დოჰაში (ყატარი), 34-ე კონგრესზე გაარკვევს. განაცხადი ორ ქვეყანას აქვს წარდგენილი - საქართველოსა და ხორვატიას.

საქართველოს ხელბურთის ფედერაციის განაცხადში 24-გუნდიანი ტურნირის მასპინძლობისთვის ოთხი ქალაქია შერჩეული - თბილისი, თელავი, ქუთაისი და ბათუმი.

ამ რანგის ტურნირი დამოუკიდებელ საქართველოში სპორტის არც ერთ სახეობაში არ გამართულა. ტურნირში ითამაშებენ 1998-99 წლებში დაბადებული ჭაბუკები. ამ ასაკის ხელბურთელები თბილისის 2015 წლის ევროპის ახალგაზრდულ ოლიმპიურ ფესტივალზეც იასპარეზებენ. ქართველ ხელბურთელებს უკვე დაწყებული აქვთ ინტენსიური მზადება ამ ტურნირისთვის წინასწარ დასახული პროგრამით.



ცხრამეტწლამდელ ვაჟთა მსოფლიო ჩემპიონატი 2005 წლიდან იმართება ორ წელიწადში ერთხელ. აქამდე ტურნი-

რები ჩატარდა ყატარში, ბაჰრეინში, ტუნისში, არგენტინასა და უნგრეთში. მსოფლიო ჩემპიონები იყვნენ: სერბეთი/მონტე-

ნეგრო (2005), დანია (2007, 11, 13), ხორვატია (2009).

**ხელბურთის ფედერაციის პრესსამსახური**

## „რედინგი“ ადასტურებს, რომ დვალის შიშია

პირველი ბაჰრეინი

რიგის „სკონტოს“ დირექტორის, ასკოლდს ულდრიკის თქმით, რიგელებს ქართველის სანაცვლოდ დიდი თანხა არ მიუღიათ.

„დიდი თანხაზე არ არის ლაპარაკი“, - Sportacentrs.com-თან საუბარში აცხადებს ულდრიკი.

კულუარული ინფორმაციით, დვალის სანაცვლოდ დაახლოებით 200 ათასი ევრო გადაიხადეს.

18 წლის ქართველმა მცველმა „რედინგთან“ სამწლიანი ხელშეკრულება გააფორმა, რასაც ბრიტანული კლუბის პრესსამსახურიც იუწყება.

თავიდან იყო ლაპარაკი, რომ ლაშა ინგლისელებს მხოლოდ 2014 წელს შეუერთდებოდა.

დვალის რიგის კლუბში წლეულს, ზამთარში გადავიდა, მაგრამ, საბუთებთან დაკავშირებული პრობლემების გამო, „სკონტოში“ ოფიციალურად ივლისში ჩაირიცხა.

დვალმა ლატვიის ვირსლიგაში მხოლოდ ხუთი მატჩი ჩაატარა და საზარდულის ტრავმა მიიღო. მიუხედავად ამისა, ინგლისელებმა მისამდე ლოდინი აღარ ისურვეს...

სხვათა შორის, ლაშა დვალის „როიალსი“ (როგორც რედინგელებს სხვაგვარადაც უწოდებენ და რომლის მეპატრონე რუსი ბიზნესმენი ანტონ ზინგარევიჩია) ქართველი მცველით 17-წლამდელთა ევროპის ჩემპიონატის შემდეგ დაინტერესდა.

ლაშა დვალის გაყიდვის შემდეგ, ლატვიის ჩემპიონატის ლიდერ „სკონტოში“, რომელსაც თამაზ პერტია უდგას სათავეში, სამი ქართველი ლეგიონერი დარჩა: ირაკლი კლიმიაშვილი, ლადო დათუნაშვილი და ლევან ჭაჭიაშვილი.

2011 წლის შემდეგ, როცა „რედინგიდან“ ზურაბ ხიზანიშვილი წამოვიდა, ინგლისში ქართველს აღარ უთამაშია. ასე რომ, დღეს უკვე შეიძლება ვთქვათ, რომ დვალმა ხიზანიშვილისგან ესტაფეტა ჩაიბარა.

## კარმელოს იტალიელი არეკის

ნატა დავითაძე

„ნიუ იორკ ნიქსი“ ახალი სეზონის წინ ისვენებს. ახალი სეზონის წინ „ნიუ იორკი“ ახალი შემადგენლობით ისვენებს და ახალ სეზონში ახალი „ნიუ იორკი“ შედის. კარმელო ენტონისთან ერთად და ეს ძველი თემაა. ენტონი ამ გენერაციის პატრიკ იუინგია. სხვა ამპლუსის, რომელიც იუინგით ცენტრშია. არა პოზიციურად, ენტონი ყურადღების ცენტრშია და ეს გუნდი მისი პერსონალური პროექტია. თუ კარმელო ფორმაშია, გუნდი ბოლომდე გადის. თუ კარმელო ცოტა აჭრილია, გუნდი იმპროვიზაციით აგვარებს. იმპროვიზაციით ძნელია ლებრონებისა და უკეთესი გუნდების გაჩერება. „ინდიანა“ უკეთესი გუნდია. „ჩიკაგო“ უკეთესი გუნდია. ალბათ, მიხაილ პროხოროვის „ბრუკლინიც“ უკეთესი გუნდია. „ნიქსი“ მოუმატებს. „ნიქსი“ რეგულარულს დროს უკეთესი იქნება. კარმელო ენტონის გარდა, იქ სხვებიც სხვა დონეზე არიან. სხვებიც გავიაროთ. კარმელოსთან ერთად.

პირველ ნომერზე რეიმონდ ფელტონი (ერთი, შემდეგ სეზონში 3 480 453 \$) და არგენტინელი დოქტორი პაბლო პრიჯიონი (473 604) დგანან. ფელტონი უფრო მიმწოლია და პრიჯიონი კლასიკაა. პაბლოსთან ერთად კარმელოც უფრო მეტ დროს იღებს. პრიჯიონი თავის დროს მიიღებს და ამ პოზიციაზე „ნიქსს“ არ ექნება პრობლემები.

მსროლელები ნორმალურ კუშს იღებენ და „ნიქსში“ ყველა მსროლელია. მეორე ნომერზე გადასვლა შეუძლია პრიჯიონის. არგენტინის ნაკრებში ეს თითქმის არ ხდებოდა და ესპანეთში თარჯიმნობის დროს პრიჯიონი დგებოდა შუთერად. ამ პოზიციაზე უფრო მეტ დროს და მეტ დოლარს ჯეი არ სმიტი მიიღებს (2 806 452). სმიტი ცუდი დამცველი, კარგი მსროლელი, ნორმალური იმპროვიზატორი და ჩვეულებრივი მსმენელია. სმიტი არასრულ 3 მილიონზე მეტი ღირს და ჯეი არმა ეს იცის. ეს „ნიქსის“ ბოსებმაც იციან და ახალ სეზონში ბიჭი მეტს მოითხოვს.

მსუბუქი ფორვარდი. აიმან შამპერტი (1 633 440). და მეტა უორლდ



კარმელო ენტონი

ფისი. რომელიც რონ არტესტია (7 258 460). შამპერტი პატარაა და არტესტი - უმართავი პერსონაჟი. შამპერტი მოუმატებს და ბიჭს არტესტის გამოცდილება, შარში დაეხმარება. რონი დონია და შამპერტი - „ნიქსის“ შემდეგი გენერაციის ახალი ტიპი. „ნიქსმა“ იცის, რომ მესამე ნომერზე ასევე მისტერ ენტონის შეუძლია. და კიდევ ერთ პერსონას. რომელიც, იდეაში, კლასიკური მეოთხე ნომერია.

მეოთხე ნომერზე ენტონი დგას და აქ პრობლემები უფრო დაცვაში მოდის. კარმელო სუსტი, უმოტივაციო

დამცველია. ლებრონი კარმელოსთან ერთობა. უფრო სწრაფი ფორვარდები ენტონის ტეხავენ და თუ მწვრთნელები დაბალი ხუთეულით თამაშობენ, ენტონი დანკანებთან, გარნეტებთან, მოურიდებელ გერმანელებთან და სხვა მაღალ მილიონერებთან უშანსოდ რჩება. კარმელო ბლომად იღებს (19 444 504), კარმელო სტატისტიკასთან მეგობრობს და კარმელო პრობლემები მოაგვარა. დაცვაში არ დაიღვება და სხვა კომპონენტებში დაშლის მეორე გუნდის დაცვას. ჩვეულებრივი კომბინაცია არაჩვეულებრივი ენტო-

ნისგან. მეოთხე ნომერზე „ნიქსმა“ ერთი იტალიელი დაიმატა, რომელიც თავის დროზე დრაფტის პირველი ნომერი იყო. „ტორონტოში“ ლამაზმა ბიჭმა დიდი კუში მოხსნა. ჯეისონ სტეფენის გარეშე და ერთჯერადი თამაშით. ეს იტალიელი ანდრეა ბარნიანი, რომელიც ამ რეგულარულში ზუსტად 10 000 000 დოლარს მიიღებს. „ნიქსი“ იტალიელის აგრესიას ყიდულობს. ალბათ, ათ მილიონში სხვა ინგრედიენტები იქნება. რჩება ცენტრის პოზიცია. აქერთადერთი არჩევანია. ტაისონ ჩენდლერი, რომელიც ლიგის საუკე-

თეს დამცველი იყო „დალასში“ და რომელმაც კრის პოლისგან ბევრი ლექცია მოისმინა. ჩენდლერის 13 604 188 მილიონი ნორმალური თანხაა. ნორმალური თანხა პერსონაჟისთვის, რომელიც ინერციით ლიგის ერთ-ერთ საუკეთესო დამცველად ითვლება და ინერციით სხვა ცენტრებს პრობლემებს უქმნის. ჩენდლერი ენტონის და აზღვევს. ჩენდლერი კლასია. ტაისონი „მედისონ სკვერ გარდენის“ ტერიტორიას დაიცავს. ჩეულებრივი ამბავი ახალი ფორმაციის „ნიქსისთვის“.

გასარკვევია ამარე სტაუდმაიერის სტატუსი. თუ ბიჭი, რომელსაც კლუბი ახალ სეზონში 19 948 799 დოლარს გადაუხდის, ბოლომდე ვერ გაიხსნება, ამარეც გაცვლიან. სტაუდმაიერი „დალასს“ უნდა. სტაუდმაიერი „ლეიკერსმაც“ გაიხსნა. ამარესთან ერთად, „ნიუ იორკს“ ჰყავს კენიონ მარტინი, რომელიც ჯერ უკონტრაქტოდ სეირნობს „მედისონში“ და რომელიც ამ კონტრაქტს მიიღებს. გუნდშია ბენო უდრიხი. სოლიდური თემაა. ნიუ იორკში რეალურად სოლიდური გუნდი იქნება. ვნახოთ, სადამდე გაქაჩავს.

„ნიუ იორკ ნიქსი“ ახალი სეზონის წინ ისვენებს. ახალი სეზონის წინ „ნიუ იორკი“ ახალი შემადგენლობით ისვენებს და ახალ სეზონში ახალი „ნიუ იორკი“ შედის. კარმელო ენტონისთან ერთად და ეს ძველი თემაა. ენტონი ამ გენერაციის პატრიკ იუინგია. სხვა ამპლუსის ტიპი, რომელიც იუინგით ცენტრშია. არა პოზიციურად, ენტონი ყურადღების ცენტრშია და ეს გუნდი ბიჭის პერსონალური პროექტია. თუ კარმელო ფორმაშია, გუნდი ბოლომდე გადის. თუ კარმელო ცოტა აჭრილია, გუნდი იმპროვიზაციით აგვარებს. იმპროვიზაციით ძნელია ლებრონებისა და უკეთესი გუნდების გაჩერება. „ინდიანა“ უკეთესი გუნდია. „ჩიკაგო“ უკეთესი გუნდია. ალბათ, მიხაილ პროხოროვის „ბრუკლინიც“ უკეთესი გუნდია. „ნიქსი“ მოუმატებს. „ნიქსი“ რეგულარულს დროს უკეთესი იქნება. კარმელო ენტონის გარდა, იქ სხვებიც სხვა დონეზე არიან. სხვებიც გავიაროთ. კარმელოსთან ერთად. სპაიკ ლი ძალიან საინტერესო სცენარს დაწერს.

PHOTOGRAPHED BY FRED HEYLAN

# ELITE MODEL LOOK CASTING 2013

N°1 MODEL SEARCH [WWW.ELITEMODELLOOK.COM/GE](http://WWW.ELITEMODELLOOK.COM/GE)

- 21 JULY KUTAISI Opera House 14:00 - 17:00
- 23 JULY GORI Gamarjveba Movie Theatre 14:00 - 16:00
- 26 JULY GURJAANI Cultural Centre 14:00 - 16:00
- 29 JULY ZUGDIDI Art Gallery 14:00 - 17:00
- 17 AUGUST BATUMI Hotel Intourist 14:00 - 17:00
- 18 AUGUST OZURGETI Theatre Hall 14:00 - 16:00
- 07 SEPTEMBER TBILISI Tbilisi Mall 14:00 - 18:00

2013  
**elite**  
MODEL LOOK  
GEORGIA

**ic** MODEL MANAGEMENT

